

例言

旧谱题曰黄氏族谱泛也无以自着为一氏也兹编题曰湘阴两寨黄氏世谱则自成一氏夫而后有一氏之典章文物可言也且礼别子为祖不如是亦无以为别也两寨者黄家寨之分上寨下寨也上寨下寨之称见清咸丰戊午谱盖寨与砦同篱落也仕旻公居新塘冲口为黄家下寨仕海公居新塘冲脑为黄家上寨也曰世谱者以我文节公庭坚手订之谱曰世谱吾族本文节公之裔仍之以示相承也

谱式清嘉庆甲戌谱宗欧式咸丰戊午谱因之光绪辛卯谱改用苏式改欧阳氏家谱旁行斜上仿史记年表为之子姓蕃则空白多而篇牒烦重苏氏大宗谱法易旁行为直行冠以别子世自为处而别曰某之子子姓虽蕃无空白处而篇牒简便也文节公与欧阳氏生同时而所谓世谱法不传于世故仍辛卯谱之旧而宗苏氏

我族清乾隆丙寅墨鈔家牒祖迁湘之仕旻仕海二公以上阙如序称吾湘黄氏世居洞庭之东相传明太祖洪武初来自江西为山谷之后清嘉庆甲戌谱援平江九峯谱六十六世思白公为我始祖思白公二子宗达宗华为即我迁湘之仕旻仕海二公茫无取证于何信从咸丰戊午再修因之光绪辛卯三修惟改思白公为一世宗达宗华为二世而仍无能正其附会之失兹据清乾隆丙寅墨鈔家牒更正后旧也纪实也

我清嘉庆甲戌谱叙世次曰世系咸丰戊午谱亦然光绪辛卯谱改为世纪兹编因之盖以古有尚书世纪金史于太祖本纪之后后为世纪以叙其先世赵欧北称为典切非无据也世纪各卷之前弁以世系图图中之似续相传者击以弧形朱线幸传者之无穷也无传者记以墨点痛绝者之不民

兹编分为四系镇系聪系忠系敏系镇系之分房三支十聪系之分房六支五十有五忠系之分房八支二十有九敏系之分房四支三十有三以系统房以房统支若纲在纲系分为

房房三支十聪系之分房六支五十有五忠系之分房八支二十有九敏系之分房四支三十有三以系统房以房统支若纲在纲系分为房心分为支有条不紊不紊者之易了然耳

世次韵语所以辨昭穆也我族清乾隆丙寅墨钞家牒世次韵语万仲本宗兴胜绍继源清惟愿有纲纪永远发缙绅乾隆五年创修宗祠碑亦刊之惟将缙绅二字易子孙二字取之命名自我迁湘祖旻海二公下敏感世始若万义万俊诸公是也逮嘉庆甲戌谱乃援平江九峯谱四十六世思白公为我迁湘始祖遂将其世次思宗益仲维五字篡人以思白公为思字行以我旻海二公下四世为宗益仲维四字行各撰一名大书代之改原名为字分注于其下更于思宗益仲维五字下参加二十字本宗兴胜绍继源清惟愿有志光先德忠孝振家声未免以伪乱真兹编将其所祖思白公并其所撰用宗益仲维四字名概为削云而仍大书清乾隆丙寅墨钞家牒原名岂故聪明自用去伪存真求于吾心无歉耳

世系必详朝代兹编于清室帝年号上概加清字以明朝代之已更也清室用阴历民国

改用阳历乡村习惯多沿用阴历兹编亦因之以便观览

世系曰某第几子字某一子曰某之子书职业惟书今现存者歿丁及现未成丁者不书书职衔历仕者书有封赠褒奖者书书生卒年月日书年若干书葬地书向合葬者葬于侧曰葬祔某莹同一穴曰葬同某兆外葬曰旅瘞冀其改归也有碑志墓表者书有墓图者书并书详某卷凡生卒葬有未详者曰阙有年详而月日时不详者则于年月日时上作方空以佚之亦诸家谱例也

书娶娶同县者书乡里不书县同府者书州县不书府同省者书府州县不书省异省者书省书父名有职衔者书聘未婚者曰聘某氏已婚则书娶妻为长女或次女书有名字者书受封赠题旌者书继室曰后娶再继曰三娶溢于再者俱书以数妾书曰侧室注娶某氏于其夫下有所属也再醮之妇不书不书者不大书也仅注于其夫下娶某氏改醮不书生卒葬示绝也其改醮之里居姓名亦不书以既与庙绝不必要穷诘也有子者诸家谱多用祔书今大书

之为子书也以子无绝母之理也书生而不书卒葬以卒不于我也出妇不书有子者书如子而改醮之妇例惟于改醮二字改曰大归盖被出本不限于归也而皆曰归者讳言之也以慰其子之心也

近世谱于其婚同姓者多于姓作方空方空佚文也明知之而故佚之将谁欺乎我族辛卯谱书曰同氏又嫌未为尊亲讳者改我黄氏系出古嬴姓兹编改用嬴氏讳之而实存庶乎其两得之矣

子初生即书名书行行即俗称派也于其母下书子若干书名有数母出者并书于最后母之下注曰子某某氏出无子曰无传子随母出者曰随母寓居某姓出抚于外姓者书出后某姓为僧者书出某寺为僧皆冀其还也殇子书葬埶书母后礼十六岁至十九岁死为长殇十二岁至十五岁死为中殇八岁至十一岁死为下殇七岁以下为无服之殇生未三月不为殇不为殇者不书殇子立后者书如常子而曰早终子不殇父也

立后志同宗者礼如何而可为之后同宗而可为之后非同宗者不书出后者于所本生曰子某注出继某亲属兄弟某同父兄弟曰某行兄弟同祖兄弟曰从兄弟同曾祖曰再从同高祖曰三从亲尽同房者曰同房兄弟某不同房者曰某房同宗兄弟某于所后曰子某注某亲属兄弟某某子入继书亲属兄弟亲尽同房不同房兄弟与于所本生同殤子立后曰立后某注于其下与上注于所后同无妻立后者例与殤子同

并后曰兼桃于本生父下曰子某注兼桃某书亲疏兄弟之法与出后者同于所兼桃父下曰子某注某子兼桃书亲疏兄弟之法与立后者同于本桃名下书生卒葬如常例于所兼桃名下书生卒葬见本桃名下同房则书详某房娶氏书生卒葬见与夫同兼桃有分子者于本生名下书子二于分子注分出兼桃名下于所兼桃名下曰分子某独子于本桃名下注兼桃同父所兼桃名下注同父兼桃子无能分亦仍重承两桃之例也

女书名所适书里居姓名有职衔者书职衔所适之父有职衔者亦书未嫁而婚已定者

书字易曰女子贞不字十年乃字朱注字许嫁也未许嫁者书待字女殇害葬附字女殇书葬附书母后不为殇者不书

旧谱三修历无附录抚异姓为嗣者概摈斥之读欧阳修五代史有义儿传民国国籍律他国人民为本国之养子者可以取得本国之国籍兹编商之我宗人禀呈县政府准予我族正谱卷后另立养裔一卷俾抚异姓得入之不同宗者异姓类也亦人之以广仁也

族中有立嗣同宗而尊卑失序者前清律例立嗣同宗而尊卑失序者其子归宗改立应继之人此本两全法也但恐其子有承其产业以谋生活养妻子已久一旦归宗该所后亲属保母有垂涎其产业思追夺之致起纠纷者兹编商之宗人禀呈县政府准凡以孙祚祖者以该本生父兼祧之祖祚孙者分其子所承之产业另为该所后者立后而跻其子于该所于尊亲属昭穆相当下继之以杜争夺也

谱锄非种常例娶妇不满十月生子者不书极宽八月止耳据洗冤录考胎形一月如露珠二月如桃花三月分男女四月形象具五月骨节成六月毛髮生七月动右手八月动左手

九月三转身十月胎满足是六月七月八月人体已具且能生动即可脱离母脱往往有七月生人而能育者今定为例娶妇满七月子者书又夫故仅十二月久生子者亦书盖孚十二月始诞亦妇人所常有也奸生子不书兄收弟妇弟纳兄妻子者不书正伦纪亦以警敝俗也

徙居者必书书徙居某省某府某县某乡里不知乡里者书省府县不知县者书省府不知府者书省不知省者书徙居他处

唐刘元撰刘氏家史十五卷以史例为谱不专纪世系兹编世纪据旧谱编次而加考证世纪之后增表志各卷参用史例亦刘氏家史之意也

名列选举表于职衔下书见选举表列人物表列女表者世系注未书事详人突然个女表其列女表寿母一门无事迹者于世系注年数下书见列女表

名列选举表人物表列女表而有家传者前书见某表世纪注未书有传详传记志

兹编间用按语非好烦其言纪必征信详为考证辨明以释后人疑也